

Profesio Fidei

Ego *person.first_name person.family_name* firma fide credo et profíteor ómnia et síngula quae continéntur in Symbolo fídei, vidélicet:

Credo in unum Deum Patrem omnipoténtem, factórem coeli et terrae, visibílium ómnium et invisibílium et in unum Dóminum Iesum Christum, Fílium Dei unigénitum, et ex Patre natum ante ómnia saécula, Deum de Deo, lumen de lúmine, Deum verum de Deo vero, génitum non factum, consubstantiálem Patri per quem ómnia facta sunt, qui propter nos hómines et propter nostram salútem descéndit de coelis, et incarnátus est de Spíritu Sancto, ex María Vírgine, et homo factus est; crucifixus etiam pro nobis sub Póntio Piláto, passus et sepúltus est; et resurréxit tértia die secúndum Scriptúras, et ascéndit in coelum, sedet ad délixteram Patris, et íterum venturus est cum glória iudicáre vivos et mórtuos, cuius regni non erit finis; et in Spíritum Sanctum Dóminum et vivificántem, qui ex Patre Filióque procedit; qui cum Patre et Fílio simul adorátur et conglorificátur qui locútus est per Prophétas; et unam sanctam cathólicam et apostólicam Ecclésiám. Confíteor unum baptísma in remissionem peccatórum, et expécto resurrectionem mortuórum, et vitam ventúri saéculi. Amen.

Firma fide quoque credo ea ómnia quae in verbo Dei scripto vel trádito continentur et ab Ecclésia sive sollémni iudício sive ordinário et universáli Magistério tamquam divínitus reveláta credénda proponúntur.

Fírmiter etiam ampléctor ac retíneo ómnia et síngula quae circa doctrínam de fide vel móribus ab eádem definitíve proponuntur.

Insuper religióso voluntátis et intelléctus obséquio doctrínis adhaéreo quas sive Románus Póntifex sive Collégium episcopórum enuntiant cum Magistérium authenticum exercent etsi non definitívo actu eásdem proclamáre inténdant.